

**Յարգոյապատիւ և գերապայծառ տեսակ Ստեփաննոսի Վարդապետի
և արքայ հօր խոնարհութեամբ և սիրով ողջոյն**

... Վասն հայր մաշտոցին բազմաց յանձնեցաք զտանել և բերել. սակայն անհնարին եղև ի ձեռս բերել. զի այն գտանի յարևելս ի վանս և յանապատս, զոր ոչ տան արտաքս, նաև ի պատրիարքարանին թերևս գտանիցի. և զհարզ մարթ է անտի առնուլ զայն, և կամ տալ զրել: Այժմ փոքր մի հանդարտեցաւ քաղաքս ի հրդեհէ...: Գարձեալ աղմուկ անհնարին ի մէջ ազգիս եղև յարարից անազին սահակ վարդապետին, զի ամենևին հակառակ եկաց Սարգիս վարդապետին, և յայս ամ ոչ երթալ նմա յատեան ելանել. և յետ լինելոյ իւր կաթողիկոս խօսեցաւ ընդ նմա խտուրթեամբ իբրև ընդ թշնամույ. ասէ, որպէս պատմեցին. կամիս երթալ նստիլ յիզմիւրին: Իսկ նա ասէ, կամք ձեր է: Ատէ կաթողիկոսն. երթիցես յիզմիւրին. բայց տացես նախ զձեռագիր մի ինձ, զմիւս յակոբայ վարդապետին, և զերրորդն զրեսցես ի հոսմ առ պապն, եթէ ես սարգիս վարդապետս անարգեմ և նզովեմ զլեռն և զպապն, որ այժմ կայ. ապա թէ ոչ չարձակեմ զքեզ անդր, զի մի միւսանգամ փախիցես ի Ֆրանկոստան: Իսկ նորա խոժոռեալ ընդ բանս նորա, ոչինչ ետ պատասխանի. և ել մեկնեցաւ յերեսաց նորա ի պէշիկտաշ: Եւ յակոբ վարդապետն լուռ և եթ կայր ընդ բանս կաթողիկոսին: Սոյն յակոբ վարդապետն արարեալ է զգիրք մի ընդդէմ բանից լուսահոգի աբահօրն վասն երկուց տեսակաց հաղորդութեան, եթէ պարտ է հաղորդել զժողովուրդն յերկոցունց. և զայն տալոց է տպել ի չորեքշաբթի աւուր գատկին, որպէս ասեն բազումք: Եւ սափրիչ յօհաննէսն ոչ դադարի ընդ համախոհից իւրոց պղտորել զմիտս բազմաց...

յամի տեսան 1756 ապրիլի 13
ի կոստանդինուպոլիս

Մառայ անպիտան և անարժան
Հ. Իգնատիոս Վարդապետ մխիթարեան

ՃԶԹ.

Հայկական պահքի վերաբերեալ խնդրոյ մ'առթիւ զբուած է նամակս:

Վերապատուելի Տեսակ Հ. Միքայել Վրդ.ին ողջոյն սիրոյ ի տեր

... Վասն շփոթութեան ուղղափառաց, որ յաղագս ուսման ձկան ծանիր. զի իրաւի սոյն այս սրբազան պապս կարի վրէժխնդիր է զի իւրաքանչիւր ազգ զիւր Մէսն պահեցէ, և մի մտցեն ի Մէս Լատինացւոց. ուստի և վասն այսորիկ շարադրեաց զգիրք մի փոքր, իբր զիր առ համօրէն ազգս արևելցւոց որպէս առաքելոց կաթողիկեաց գիրն. յորում պատուիրէ իւրաքանչիւր ազգաց կալ ի Մէսն իւրեանց, հաստատելով և ցուցանելով զայն ի զանազան և ի բազում վճռոց հոսմայ հայրապետաց. և ի սմին ասէ ևս ոչ է արժան հայոց ուտել զձուկն յաւուրս պահոց. այլ պարտին որպէս ազգն սովոր է պահել զպահսն ոչ ուտելով զձուկն, նոյնպէս և ուղղափառ եղեալքն ի նոյն ազգէն ոչ պարտին ուտել զձուկն. և իրաւի պարտաւորէ այս զխղճմտանս, որոց ունին զերկիւղն աստուծոյ: Եւ այս գիրք այժմ տպի ի Հոսմ...:

1756 ի մայիսի 6

[ի վենետիկ - Ս. Ղազար]

Նուաստ ծառայ

Ստեփաննոս Վրդատ. Աբբայ Հայր

ՃԼ.

Մեսրոպ Գեահայ Արքեպս.ի նամակները կը շարունակեն իրենց այնքան կարևորագոյն պարունակութիւնները: Ի մէջ այլոց օգտակար խորհուրդներ կու տայ առ Մելգոնեան, Մխիթարեան աշխարհարար բառգրքին մէջ նշանակելու համար քաղաք-